

12 NOV 2002

TIMBALAN MENTERI LUAR PERANCIS LAWAT MALAYSIA

KUALA LUMPUR, 12 Nov (Bernama) -- Timbalan Menteri Luar Perancis Renaud Muselier akan melawat Malaysia selama tiga hari mulai 19 Nov ini.

Lawatan itu adalah susulan kepada perjumpaan antara Presiden Jacques Chirac dan Perdana Menteri Datuk Seri Dr Mahathir Mohamad di luar Sidang Kemuncak ASEM di Copenhagen, Denmark pada September lalu.

Menurut kenyataan kedutaan Perancis di sini, Muselier akan bertemu Dr Mahathir dan beberapa menteri kanan semasa berada di Kuala Lumpur.

Beliau akan berbincang mengenai beberapa isu semasa seperti keganasan, keselamatan, pendidikan, globalisasi dan lain-lain perkara bersangkutan dengan kerjasama ekonomi dua hala.

Muselier juga dijadual melawat beberapa syarikat Perancis yang beroperasi di sini serta berjumpa masyarakat Perancis yang tinggal di sini.

-- BERNAMA

LES AHH MOZ